

ZENIČKO-DOBOJSKI KANTON
MINISTARSTVO ZA PRAVOSUĐE I UPRAVU

IZVJEŠTAJ O RADU
MINISTARSTVA ZA PRAVOSUĐE I UPRAVU
ZA 2011. GODINU

Zenica, januar, 2012. godine

SADRŽAJ

	Strana
SAŽETI PREGLED REALIZOVANIH AKTIVNOSTI	3.
I UVOD	5.
A. Osnovni pravci djelovanja	5.
A. a. Oblast pravosuđa	6.
A. b. Oblast uprave	6.
A. c. Oblast za propise	6.
II REALIZACIJA PROGRAMA RADA	6.
B. Aktivnosti koje su realizovane u izvještajnom periodu	6.
B. a. Izrada zakonskih akata	6.
B. b. Izrada podzakonskih akata	6.
B. c. Informativne aktivnosti	6.
B. d. Aktivnosti vezane za finansijski dio poslovanja	6.
B. e. Redovne aktivnosti iz nadležnosti Ministarstva	7.
B. f. Edukacija državnih službenika i namještenika	8.
B. g. Ostale aktivnosti Ministarstva	9.
C. Aktivnosti koje nisu realizovane	9.
D. Komentar	
D. a. Uslovi rada i tehnička opremljenost	9.
D. b. Oblast pravosuđa	10.
D. c. Oblast uprave	10.
III ZAKLJUČAK	10.

SAŽETI PREGLED REALIZOVANIH AKTIVNOSTI

Rad i nastojanje Ministarstva za pravosuđe i upravu Zeničko-dobojskog kantona (u daljem tekstu: Ministarstvo) na ispunjavanju ciljeva iz Programa rada Ministarstva za 2011. godinu i Programa rada Vlade za 2011. godinu i Skupštine Zeničko-dobojskog kantona za 2011. godinu kao i Odluke o strateškim ciljevima, indikatorima ostvarenja i ciljevima za 2011. godinu za organe uprave i službi sa aspekta sistema upravljanja kvalitetom, ukazuje na našu ambiciju i želju da na najbolji mogući način doprinesemo brzom i kvalitetnom ostvarenju tih ciljeva.

U oblasti normativno-pravne djelatnosti Ministarstvo je Programom predvidjelo izradu zakonskih akata kao i usklađivanje postojećih i donošenje novih propisa ukoliko dođe do promjena Ustava F BiH ili drugih propisa koji traže usklađivanje kantonalnih propisa iz nadležnosti Ministarstva. Tako su urađena tri (3) zakona koja nisu planirana Programom Ministarstva, Vlade niti Skupštine i to

- Zakon o izmjeni Zakona o sudskim taksama („Službene novine Zeničko-dobojskog kantona“, broj: 4/11 i 7/11);
- Autentično tumačenje članka 2. Stavak (1) Zakona o sudskim pristojbama („Službene novine Zeničko-dobojskog kantona, broj:12/09, 4/11, i 7/11), („Službene novine Zeničko-dobojskog kantona“, broj:15/11).

Također, u 2011. godini, urađen je po treći put Registar propisa Zeničko-dobojskog kantona 1996-2010. godine, u elektronskoj formi, a u pisanoj formi nije urađena zbog mjera štednje (u pisanoj formi urađena u 2011. godini), gdje se na jednom mjestu nalaze nazivi svih propisa donesenih na nivou kantona, ministarstava i općina sa brojevima službenih listova (kantonalnih ili općinskih) u kojem su objavljeni što u mnogome olakšava rad i pronalaženje propisa zaposlenicima koji iste primjenjuju u svom radu.

Programom rada Ministarstva za pravosuđe i upravu za 2011. godinu bilo je planirano završiti i dostaviti Vladi Zeničko-dobojskog kantona u proceduru usvajanja sljedeće akte, kako slijedi:

- Zakon o plaćama i naknadama u organima vlasti Zeničko-dobojskog kantona;
- Zakon o državnoj službi u Zeničko-dobojskom kantonu i
- Uredbe o naknadama i drugim materijalnim pravima koja nemaju karakter plaće.

Planirane zadaće programom rada Ministarstva za 2011. godinu, bilo je nemoguće blagovremeno izraditi iz sljedećih razloga:

1. Zakon o plaćama i naknadama u organima vlasti Zeničko-dobojskog kantona (Nacrt i Prijedlog) i Uredbu o naknadama i drugim materijalnim pravima koja nemaju karakter plaće, nemoguće je donijeti jer u Budžetu Zeničko-dobojskog kantona za 2011. godinu nisu osigurana sredstva za plaće i naknade u skladu sa odredbama Zakona o plaćama i naknadama u organima vlasti Federacije Bosne i Hercegovine, a što je bio pravni osnov za donošenje ovih propisa, te ovo ministarstvo kao obrađivač nije moglo naći izvore sredstava za sprovođenje navedenog zakona i uredbe. Naime, navedenim federalnim zakonom su u slučaju donošenja kantonalnog zakona, stvorene finansijske obaveze koje u ovom trenutku kanton ne može ispuniti. Osim toga, Vlada je donijela zaključak kojim se predlaže ovlaštenim licima za pokretanje ocjene ustavnosti da pokrenu inicijativu za ocjenu ustavnosti Zakona o plaćama i naknadama u organima vlasti Federacije Bosne i Hercegovine u dijelu koji se odnosi na kantone, a što je i učinjeno.

2. Zakon o državnoj službi u Zeničko-dobojskom kantonu (Nacrt i Prijedlog), nije donesen s obzirom na to da je Skupština Zeničko-dobojskog kantona donijela Zakon preuzimanju Zakona o državnoj službi u Federaciji Bosne i Hercegovine („Službene novine Federacije Bosne i Hercegovine“, broj: 29/03, 23/04, 39/04, 54/04, 67/05 i 8/06), („Službene novine Zeničko-dobojskog kantona“, broj: 9/10). Postojeća zakonska rješenja su u skladu sa započetom reformom javne uprave, a ovo ministarstvo pratilo rad Vlade Federacije u dijelu koji se odnosi na izmjene Zakona o državnoj službi u Federaciji BiH. Budući da nije bilo izmjena ovo ministarstvo se opredjelilo da u 2011. Godini ne predloži drugačija rješenja od rješenja utvrđena federalnim zakonom. Na kraju, napominjemo da je ovo ministarstvo spremno za izradu navedenog zakona ukoliko to bude predviđeno programom rada Vlade ili Skupštine za 2012. godinu.

U Ministarstvu su urađene sve druge planirane aktivnosti u 2011. godini.

Ministarstvo je blagovremeno poduzelo sve aktivnosti na realizaciji Budžeta za 2011. godinu i nastojalo je da se osiguraju sredstva za rad sudova, tužilaštva i Ministarstva, a posebno sredstva za osiguranje poslovnog prostora za rad sudova i nabavka opreme za sudove i Kantonalno tužilaštvo Zenica.

Dakle, u 2011. godini rad Ministarstva posebno je obilježilo:

- Izdavanje Registra propisa 1996-2010. godine, u elektronskoj formi,
- Kupovina 2 kancelarije u prostorijama Općinskog suda u Visokom,
- Izdavanje Urbanističke saglasnosti za izgradnju zgrade Kantonalnog tužilaštva u Zenici i dogradnja zgrade Općinskog suda u Zenici;
- Zamjena prozora na zapadnoj strani zgrade Općinskog suda u Zenici,
- Uknjižba prava građenja na zemljištu na kojem se planira izgradnju zgrade Kantonalnog tužilaštva u Zenici i dogradnja zgrade Općinskog suda u Zenici;
- Izrada Glavnog projekta adaptacije, rekonstrukcije i dogradnje zgrade Općinskog suda u Zenici i glavnog projekta objekta za potrebe Kantonalnog tužilaštva u Zenici;
- Nabavka automobila i opreme za budžetske korisnike Ministarstva i Ministarstvo.

U 2011. godini sam zadovoljan radom i naporima uposlenika ovog ministarstva na provođenju Programa rada Ministarstva za 2011. godinu kao i postignutim učinkom, a posebno ako se ima u vidu činjenica da nisu popunjena mjesta u Sektoru za propise, a u Sektoru za upravu nije popunjeno mjesto Pomoćnika ministra za upravu, te dužeg odsustva jednog rukovodećeg državnog službenika zbog bolovanja. Dodatnim angažovanjem svih zaposlenika uspjeli smo da odgovorimo svim zahtjevima koji su postavljeni pred Ministarstvo.

Zahvaljujem se svim uposlenicima Ministarstva, kao i ostalim saradnicima koji su na bilo koji način pomogli i omogućili realiziranje Programa rada Ministarstva za 2011. godinu.

MINISTAR

Miroslav Penko

I UVOD

Svoj rad u toku izvještajnog perioda Ministarstvo zasnovalo je na vlastitom programu, Programu rada Vlade Zeničko-dobojskog kantona i Programu rada Skupštine Zeničko-dobojskog kantona za 2011. godinu, te zadacima koji su se pred ovo ministarstvo postavljali od strane Federalnog ministarstva pravde i drugih institucija koje imaju nadležnosti u okviru pravosuđa i uprave.

Članom 7. Zakona o kantonalnim ministarstvima i drugim tijelima uprave-prečišćeni tekst ("Službene novine Zeničko-dobojskog kantona", broj: 13/08) propisano je da Ministarstvo vrši upravne, stručne i druge poslove utvrđene zakonom koji se odnose na ostvarivanje nadležnosti Kantona, a naročito:

- pravosudnih institucija i uprave,
- upravnog nadzora nad radom pravosudne uprave i kantonalnih tijela uprave,
- registraciju udruženja građana,
- oblast kancelarijskog poslovanja,
- izvršenje sankcija.

Ministarstvo vrši i druge upravne poslove koji ne spadaju u djelokrug drugog organa uprave Kantona. Također, nadležnost Ministarstva propisana je i u nizu drugih zakonskih propisa.

Ministarstvo, kao organ uprave, donosi provedbene propise iz svoje nadležnosti u cilju omogućavanja izvršavanja kantonalnih zakona i drugih kantonalnih propisa i izdaje uputstva, instrukcije i naredbe, te donosi pojedinačne akte.

Ministarstvo, iz okvira svoje nadležnosti predlaže i daje preporuke u pogledu zakona i drugih propisa i odgovara na pitanja organa zakonodavne vlasti.

Pravilnikom o unutarnjoj organizaciji Ministarstva predviđeno je 17 izvršilaca plus ministar, a popunjenost u navedenom izvještajnom periodu bila je 7 izvršilaca od čega 3 državna službenika i 4 namještenika, kroz tri organizacione jedinice i to:

1. Sektor za pravosuđe-1 državni službenik i tri namještenika
2. Sektor za upravu-1 državni službenik
3. Sektor za propise-ni jedan izvršilac,

te sekretar Ministarstva i tehnički sekretar.

U svom radu, osim sa sudovima i tužiteljstvima u ZE-DO kantonu, ovo ministarstvo sarađivalo je sa Kantonalnim pravobranilaštvom i Kantonalnim zavodom za pružanje pravne pomoći kao i sa svim kantonalnim organima.

A. OSNOVNI PRAVCI DJELOVANJA

A. a. Oblast pravosuđa

Osnovni pravci djelovanja Ministarstva tijekom 2011. godine u oblasti pravosuđa bili su usklađeni s aktivnostima Federalnog ministarstva pravde i drugih organizacija, prvenstveno s aktivnostima Ministarstva pravde BiH i Visokog sudskog i tužilačkog vijeća u BiH, a odnosile su se na oblast izvršenja sankcija i sudskih taksi koji su ujedno i dio Strategije razvoja sektora pravde u Bosni i Hercegovini.

Ministarstvo je provodilo aktivnosti na osiguranju normalnih uvjeta za rad sudova i tužilaštva, tako je u 2011. godini kupljen poslovni prostor za potrebe Općinskog suda u Visokom, upisano pravo građenja na zemljištu za dogradnju zgrade Općinskog suda u Zenici i izgradnju zgrade za potrebe Kantonalnog tužilaštva u Zenici, urađen Glavnog projekta za adaptaciju, rekonstrukciju i dogradnju dijela zgrade Općinskog suda u Zenici i glavni projekat objekta za potrebe Kantonalnog tužiteljstva Zenica. Ministarstvo je u izvještajnom periodu vršilo nabavku 2 vozila i opreme (računara, namještaja) za svoje potrebe i potrebe budžetskih korisnika pri ovom ministrastvu.

Ministarstvo je tražilo moguća rješenja sa povećanje smještajnih kapaciteta sudova i Kantonalnog tužilaštva budući da je u istim, a posebno u Općinskom sudu u Zenici, povećan broj sudija, a time i namještenika.

A. b. Oblast uprave

U 2011. godini nastavljeno je sa reformom uprave koja je započeta u 2004. godini, a posebna pozornost bila je usmjerena na:

- praćenje sistema ISO 9001/2008;
- implementiranje odredbi: - Zakona o državnoj službi („Službene novine Federacije BiH“, broj:29/03, 23/04, 39/04, 54/04, 67/05 i 8/06);
- Zakona o namještenicima („Službene novine Federacije BiH“, broj:49/05),
- registraciju udruženja građana,
- praćenje i sudjelovanje u procesu započete reforme javne uprave i reforme ministarstava pravde na razini BiH i Federacije BiH.

A. c. Oblast za propise

Rad u ovom sektoru nije organiziran zbog ne potpunosti sektora već su aktivnosti ovog sektora preuzete od izvršilaca u drugim sektorima.

II REALIZACIJA PROGRAMA RADA

B. AKTIVNOSTI KOJE SU REALIZOVANE U IZVJEŠTAJNOM PERIODU

B. a. – Izrada zakonskih akata

- Zakon o izmjenama Zakona o sudskim pristojbama Zeničko-dobojskog kantona – („Službene novine Zeničko- dobojskog kantona“, broj: 4/11 i 7/11), izrada nije bila predviđena Programom;

B. b. –Izrada podzakonskih akata

- Program rada Ministarstva za 2011. godinu;
- Programi kapitalnih ulaganja za 2011. godinu;
- Plan edukacije državnih službenika za 2011. godinu;

B. c.- Informativne djelatnosi

- Registar propisa 1996-2010. urađen u elektronskoj formi, zbog mjera štednje nije štampan. Izvještaj o rješavanju upravnih stvari u upravnom postupku za 2010. God. (prihvatila Vlada);
- Informacija o provođenju ustavnih odredbi o konstitutivnosti naroda u javnim institucijama Zeničko-dobojskog kantona;
- Informacija o nevladinom sektoru u Zeničko-dobojskom kantonu
- Izvještaj o radu Kantonalnog pravobraniteljstva (prihvaćen od strane Vlade Kantona i Skupštine);
- Izvještaj o radu Kantonalnog zavoda za pravnu pomoć (usvojen od Vlade i Skupštine);
- Izvještaj o radu Kantonalnog tužiteljstva u Zenici (usvojen od Vlade i Skupštine);
- Izvještaj o radu Kantonalnog suda u Zenici (usvojen od Vlade i Skupštine).

B. d. – Aktivnosti vezane za finacijski dio poslovanja

- Izvještaj o realiziranju Programa kapitalnih ulaganja za 2010. godinu,
- Program utroška sredstava za kapitalna ulaganja za 2011. godinu na poziciji „Rekonstrukcija i investiciono održavanje”,

- Program utroška sredstava za kapitalna ulaganja za 2011. godinu na poziciji „Nabavka zemljišta”,
- Program utroška sredstava za kapitalna ulaganja za 2011. godinu na poziciji „Nabavka građevina”,
- Program utroška sredstava za kapitalna ulaganja za 2011. godinu na poziciji „Nabavka opreme”,

koji su usvojeni od strane Vlade Zeničko-dobojskog kantona.

Osim toga, ovo ministarstvo je obavljalo i druge aktivnosti kao što su

- Izrada mjesečnih i tromjesečnih operativnih planova za sve budžetske korisnike Ministarstva,
- Prikupljanje podataka o obračunu mjesečnih plaća i drugih naknada svih budžetskih korisnika

iz mjerodavnosti Ministarstva;

- Prikupljane podataka o mjesečnim rashodima, izrada izvješća o istim za potrebe Ministarstva,
- Mjesečno praćenje izvršenja Budžeta za 2011. godinu;
- Praćenje troškova pritvora i dostavljanje faktura radi plaćanja;
- Redovni svakodnevni poslovi vezani za financijsko poslovanje Ministarstva

Ukratko, dat ćemo pregled izvršenja Budžeta za 2011. godinu za Ministarstvo za pravosuđe i uprave i budžetskih korisnika iz nadležnosti Ministarstva u dijelu koji su obilježile 2011. godinu.

-Program utroška sredstava za kapitalna ulaganja za 2011. godinu na poziciji „Rekonstrukcija i investiciono održavanje” u iznosu od 142.000,00 KM realizovano je 121.030,74 KM ili 85,23 %,

-Program utroška sredstava za kapitalna ulaganja za 2011. godinu na poziciji „Nabavka zemljišta” u iznosu od 82.260,00 KM realizovano je 82.260,00 KM ili 100 %,

-Programa utroška sredstava za kapitalna ulaganja za 2011. godinu na poziciji „Nabavka građevina” u iznosu od 170.280,00 KM realizovano je 170.280,00 KM ili 100 %,.

-Programa utroška sredstava za kapitalna ulaganja za 2011. godinu na poziciji „Nabavka opreme” u iznosu od 173.000,00 KM realizovano je 167.157,82 KM ili 90 %,.

Dakle, Budžetom za 2011. godinu za kapitalna ulaganja ukupno je planirano 567.540,00 KM, a utrošeno je 540.719,00 KM ili 95%.

B.e.- Redovne aktivnosti iz nadležnosti Ministarstva

- Izrada Izvještaja o radu Ministarstva za 2010. godinu;
- Praćenje propisa iz oblasti uprave, državne službe, oblasti pravosuđa i drugih oblasti, te kontinuirano obavještavanje svih kantonalnih ministarstava i drugih tijela uprave, sudova tužiteljstva općinskih vijeća, općinskih načelnika i drugih tijela lokalne samouprave o obvezama koje proističu stupanjem na snagu istih, te o kancelarijskom poslovanju;
- Korespondencija sa Federalnim ministarstvom pravde
- Obaveza donošenja propisa kojima se uređuje rad državne službe, rad sudova i sudske administracije;
- Davanje prijedloga, primjedbi i sugestija na programe rada Vlade i Skupštine Kantona;
- Rad po predstavkama i pritužbama stranaka na rad sudova i općinskih službi za upravu (postupljeno po 26 predstavki);
- Zauzimanje stajališta i davanje mišljenja, vezano za upite građana i pravnih osoba;
- Vođenje registra udruženja građana (doneseno 107 rješenja o odobrenju upisa i 121 rješenja o promjeni upisa u registar);
- Osam rješenja o odobrenju izrade pečata i o uništenju pečata;
- Odgovori na poslanička pitanja;
- Kontrola računa doznačenih od strane kazneno-popravnih zavoda;
- Plaće, topli obroci, naknade, materijalni troškovi i razni dopisi Ministarstva;
- Izrada Prijedloga aktivnosti ocjene namještenika u kantonalnim organima državne službe za 2010. godinu;
- Izrada stajališta na dostavljene zakonske i podzakonske akte drugih organa i organizacija;
- Izvršena kontrola zakonitosti rada notara Zeničko-dobojskog kantona, što je prva kontrola takve vrste u Federaciji Bosne i Hercegovine od početka rada notara.

B. f. - Edukacija državnih službenika i namještenika

U izvještajnom periodu državni službenici su prisustvovali edukaciji koju je organizovala Agencija za državnu službu, te su prisustvovali seminarima na temu „građansko zakonodavstvo“. Namještenici su prisustvovali savjetovanjima koja su se odnosila na godišnje obračune, završne račune i porezne prijave te na temu fiskalizacije.

Državni službenici Ministarstva prošli su obuku u organizaciji Agencije za državnu službu Federacije Bosne i Hercegovine na temu:

- Vještine prezentacije u organizaciji Agencije za državnu službu Federacije Bosne i Hercegovine, dva državna službenika službenika (pola dana-pomoćnik za pravosuđe i Tajnik Ministarstva);

- Medijacija-način rješavanja spora mirnim putem u organizaciji Agencije za državnu službu Federacije Bosne i Hercegovine, jedan državni službenik službenika(pola dana- stručni suradnik);

- Odnos i komunikacija s javnošću u organizaciji Agencije za državnu službu Federacije Bosne i Hercegovine, jedan državni službenik službenika (pola dana-stručni suradnik)

- Izrada Protokola o međusobnoj suradnji institucija i nevladinih organizacija u pružanju podrške žrtvama /svjedocima u slučaju ratnih zločina, seksualnog nasilja i drugih oblika kaznenog djela (kontinuirano cijela godina) u organizaciji Medica i OSCE (stručni suradnik)

- Besplatna pravna pomoć u Banja Luci – jedan državni službenik (dva dana-pomoćnik ministra za pravosuđe)

- Status zaposlenih u organima uprave u Sarajevu – jedan državni službenik (dva dana-pomoćnik ministra za pravosuđe)

- Besplatna pravna pomoć u Mostaru - jedan državni službenik (dva dana-pomoćnik ministra za pravosuđe)

- Besplatna pravna pomoć na Vlašiću - jedan državni službenik (dva dana-pomoćnik ministra za pravosuđe);

Jedna namještenik je prošao odgovarajuću obuku u organizaciji ovlaštene revizorske kuće, a ista se odnosila na Zakon o računovodstvu, porez na dohodak, propise o fiskalizaciji, novi kontni plan, tako da je jedan namještenik ostvario 35 sati edukacije koju moraju imati ovlaštene računovođe i revizori.

Državni službenici i namještenici su sami predlagali vrstu edukacije, a ministar je ocjenjivao opravdanost zahtjeva za edukacijom u skladu sa Planom stručno usavršavanja za 2011. godinu i raspoloživim sredstvima.

B. g. – Ostale aktivnosti Ministarstva

Ministarstvo je pratilo sve aktivnosti vezano za Projekt razvoja općina (MDP) koje se odnose na realizaciju projekata za općine Doboj Jug, Maglaj i Usoru koje financira Švicarska agencija za razvojni suradnju (SDC) a implementira Centar za menadžment, razvoj i planiranje (MDP).

Državni službenici ovog ministarstva uvršteni su i kao eksperti Agencije državne službe Federacije BiH.

Ministarstvo aktivno uzima sudjelovanje na području cijele Federacije BiH u prenošenju pozitivnih iskustava procesa organiziranja i uspostave besplatne pravne pomoći.

Okončan postupak izbora dva notara sa službenim sjedištem u Olovu i Tešnju s tim da je neposredno pred polaganje zakletve odustao kandidat za Tešanj, a u Olovu je počeo da obavlja notarsku službu, tako da se sada u sva službena sjedišta popunjena sa najmanje jednim notarom.

Ministarstvo za pravosuđe i upravu je aktivno uključeno u provođenje Strategije za reformu sektora pravde u BiH, čiji cilj je stvaranje zajedničkog reformskog okvira za institucije u sektoru pravde u BiH koji sadrži usaglašene prioritete za budući razvoj ovog sektora u cjelini.

Praćenje implementacije Akcionog plana je jedna od osnovnih odgovornosti funkcionalnih radnih grupa koje su formirane početkom 2009. godine i počele su sa svojim

djelovanjem. U svaku od funkcionalnih radnih grupa - strateških stubova imenovane su osobe ispred ministarstava pravosuđa svakog kantona i iz entiteta pa i iz Ministarstva za Strateški stub II - Izvršenje krivičnih sankcija i Strateški stub V - Dobro rukovođen i koordiniran sektor u podoblast „Koordinacija projekata pomoći za sektor pravde u BiH“.

Akcionni plan za implementiranje Strategije za reformu sektora pravde u BiH usvojen je za period 2009. - 2013. godina i sva ministarstva su obavezna sačiniti svoje srednjoročne strateške planove, kako bi bila uspješno implementirana Strategija za reformu sektora pravde u BiH .

C. AKTIVNOSTI KOJE NISU REALIZOVANE U IZVJEŠTAJNOM PERIODU

U 2011. Godiniu Ministarstvo nisu realizirane sljedeće aktivnosti:

Zakon o plaćama i naknadama zaposlenih u organima vlasti Zeničko-dobojskog kantona (Nacrt i Prijedlog) i Uredbu o naknadama i drugim materijalnim pravima koja nemaju karakter plaće, nije bilo moguće donijeti budući da ovo ministarstvo kao obrađivač zakona nije moglo naći izvore sredstava za provođenje zakona. Osim toga, Vlada Kantona je donijela zaključak kojim od lica nadležnih za pokretanje ocjene ustavnosti da isti pokrenu u dijelu koji se odnosi na primjenu Zakona o plaćama i naknadama u organima vlasti Federacije Bosne i Hercegovine na kantone. Prema podacima kojima raspolaže ovo ministarstvo postupak ocjene ustavnosti je i pokrenut.

Zakon o državnoj službi u Zeničko-dobojskom kantonu (Nacrt i Prijedlog), nije donesen s obzirom na to da je Skupština Zeničko-dobojskog kantona preuzela i primjenjuje u Zeničko-dobojskom kantonu kao kantonalni zakon, Zakon o državnoj službi u Federaciji Bosne i Hercegovine (“Službene novine Federacije Bosne i Hercegovine”, broj: 29/03, 23/04, 39/04, 54/04, 67/05 i 8/06) Zakonom o državnoj službi u Federaciji Bosne i Hercegovine („Službene novine Zeničko-dobojskog kantona“, broj: 9/10). Postojeća zakonska rješenja su u skladu sa započetom reformom javne uprave i svako drugačije rješenje bi bilo narušavajuće za reformu i vođenje koraka nazad. Na kraju, napominjemo da je ovo ministarstvo po nalogu Vlade i Skupštine Zeničko-dobojskog kantona spremno pripremiti propis Zeničko-dobojskog kantona iz ove oblasti čim se na nivou Federacije usvoje izmjene i dopune ili pak donese novi Zakon o državnoj službi.

D. KOMENTAR

Na kraju ovog Izvješća ističemo sljedeće:

D. a. Uslovi rada i tehnička opremljenost

I na kraju ovog izveštajnog perioda mora se istaći da Ministarstvo dijeli prostor sa Sekretarijatom za zakonodavstvo, Stručnom službom Vlade.

Tehnička opremljenost Ministarstva još je zadovoljavajuća. Naime, informaciona tehnologija zadovoljava novonastale potrebe ali se mora istaći da je to u velikoj mjeri zasluga svih državnih službenika i namještenika u Ministarstvu koji su vrijedno radili na sticanju novih znanja i vještina neophodnih za valjano funkcioniranje Ministarstva. Svakako treba istaći i zasluge tima Vlade Zeničko-dobojskog kantona za provedbu projekta IKT kao i Vlade Zeničko-dobojskog kantona koja je izdvojila znatna sredstva za nabavku suvremene IKT.

Smatramo da je u narednom periodu neophodno raditi na stalnom obnavljanju računarske tehnike i da treba raditi na novim IKT inovacijama kao što su elektronski potpis za pravosuđe, sistem za upravljanje ljudskim resursima, razmjena podataka među različitim institucijama za bolju provedbu zakona.

Ministarstvo ne posjeduje svoju WEB stranicu.

U svom radu Ministrstvo je otvoreno i prema svim medijima ima ravnopravan status, a prema medijima istupa ministar.

D. b. Oblast pravosuđa

Raspoloživi prostor i uslovi za rad u pojedinim sudovima i kantonalnom tužilaštvu nisu zadovoljavajući. Stalan je problem nedostatka prostora, a i prostor u kojem rade ne zadovoljava uslove za rad. Naime, u Kantonalnom sudu Zenica, Kantonalnom tužilaštvu Zenica i Općinskom sudu u Zenici neophodno je povećati postojeći radni prostor dogradnjom, odnosno nadogradnjom, a u Općinskom sudu u Žepču neophodno je riješiti u cjelosti poslovni prostor za potrebe suda jer pitanje vlasništva prostora u kojem se nalazi smješten sud još nije riješeno. Općinskom sudu u Zavidovićima, Odjeljenje u Maglaju mora senapokon razriješiti pitanje vlasništva na prostoru koji se sada koristi kako bi se moglo vršiti ulaganje, a u Općinskom sudu u Visokom, odjeljenje u Olovu mora se obezbjediti potpuno novi prostor budući da je sadašnji u vlasništvu općine Olovo, a svaka rekonstrukcija, prema mišljenju vještaka građevinske struke se ne isplati.

Ministarstvo će u narednom periodu nastojati, prije svega da izvrši dogradnju zgrade općinskog suda u Zenici kao i izgradnju zgrade za potrebe Kantonalnog tužilaštva, te da obezbijedi potrebne uslove za dobijanje građevinske dozvole za dogradnju zgrade Kantonalnog suda u Zenici.

Za informacioni sustav i tehnologiju možemo reći da je zaokružena u potpunosti u sudovima ZE-DO Kantona, kao i Kantonalnom tužilaštvu.

D.c. Oblast uprave

Rad na unošenju podataka u Program elektronskog registra udruženja je okončan i isti se i dalje prati i podržava od strane državnih službenika ovog ministarstva. Usvajanjem Elaborata o društveno ekonomskoj opravdanosti osnivanja arhiva Zeničko-dobojskog kantona („Službene novine Zeničko-dobojskog kantona”, broj: 10/10) čijim donošenjem su stvoreni formalni preduslovi za osnivanje Arhiva Zeničko-dobojskog kantona na čemu se mora insistirati u 2012. godini.

III ZAKLJUČAK

Pored naprijed navedenog u narednom periodu Ministarstvo će pratiti reformu državne službe i samim tim jačati ulogu i značaj državnih službenika i namještenika.

Kako bi proces reforme državne službe mogao biti nastavljen potreba je za educiranim modernim državnim službenikom i namještenikom od integriteta, koji poznaje pravo i zakon ne samo svoje države nego i drugih država, u kojeg građani imaju povjerenje, državni službenik treba pratiti pravne novine i sve pojave u društvu i utjecati na društvo, treba pratiti napredak glede tehničke opremljenosti i pravce razvoja informacione tehnologije i biti upoznat sa načinom korištenja iste.

Neophodna je veća samostalnost državnih službenika i namještenika, spremnost za edukaciju i odvojenost od politike, te će u tom pravcu i biti iskazana opredjeljenost ovog ministarstva.

Do kraja naredne godine nastojat će se završiti proces modernizacije opreme Ministarstva i budžetskih korisnika, te formirati web stranicu.

Praćenje i usavršavanje procedura ISO standarda je stalan zadatak ovog ministarstva.

Nastojati u 2012. godini osnovati Arhiv Zeničko-dobojskog kantona da tako napokon i ovaj Kanton može na odgovarajući način deponovati i čuvati svoju arhivsku građu, a ne istu davati drugom kantonalnom arhivu uz naknadu.

Dakle, Ministarstvo je u cjelosti izvršilo sve planirane obveze utvrđene Programom rada za 2011. godinu iznimno onih koje iz objektivnih razloga nisu bili izvršivi. Također, uspjelo je riješiti probleme i prevazići prepreke na koje je nailazilo i to zahvaljujući snalažljivosti, entuzijazmu i timskom radu osoblja Ministarstva,

MINISTARA

Miroslav Penko